

**Ўзбекистон касаба уюшмалари Федерациясининг олий таълим муассасаларида
тахсил оладиган фаол ёшларга стипендия тайинлаш тартиби тўғрисида
НИЗОМ**

I. Умумий қоидалар

1. Ўзбекистон касаба уюшмалари Федерациясининг стипендияси (кейинги ўринларда “стипендия” деб юритилади) Ўзбекистон Республикасидаги олий таълим муассасаларида таълим олаётган Олий таълим муассасаси касаба уюшмаси кўмитасининг тавсиясига кўра ижтимоий муҳофазага муҳтож, таълим муассасаси ва касаба уюшмалари фаолиятини ривожлантиришда фаол иштирок этаётган, Ўзбекистон Республикаси фуқаролари бўлган иқтидорли талабаларни моддий рағбатлантириш мақсадида касаба уюшмалари ташкилотлари томонидан олти ой муддатга тайинланади.

2. Стипендия ҳар бир ҳудуддан 1 (бир) нафардан, республика бўйича жами 14 (ўн тўрт) нафар талабага берилади.

Истисно тариқасида, Ўзбекистон касаба уюшмалари Федерацияси раиси томонидан стипендияга лойиқ деб ҳисобланган ёшларга белгиланган квота (14 та)дан ташқари стипендия тайинланиши мумкин.

**II. Номзодлар томонидан стипендияга ҳужжатларни
тақдим этиш ва уларни кўриб чиқиш**

3. Стипендияга номзодларни танлаш учун Қорақалпоғистон, вилоятлар ва Тошкент шаҳар касаба уюшмалари ташкилотлари бирлашмаларида (кейинги ўринларда “бирлашмалар” деб юритилади) стипендия тайинлаш комиссияси тузилади.

4. Касаба уюшмалари стипендияси ўқув режаларини етарли даражада ўзлаштирган ҳамда чин етим, етим, ногирон;

ижтимоий муҳофазага муҳтож оиланинг фарзанди;

таълим муассасаси ва касаба уюшмаси фаолиятида фаол;

бошқа қўшимча стипендия олмаётган талабаларга берилади.

5. Номзодлар ўзлари тахсил олаётган олий таълим муассасаси касаба уюшмаси кўмитасига қуйидаги:

иловага мувофиқ тўлдирилган номзод анкетаси;

фуқаролик паспортининг нусхаси;

3,5 x 4,5 см ҳажмдаги 2 дона рангли фотосурат;

рейтинг дафтарчасидан нусха ;

ногиронлиги, етимлиги ёки ижтимоий муҳофазага муҳтожлигини тасдиқловчи ҳужжатларни тақдим этади.

6. Олий таълим муассасаси касаба уюшмаси кўмитаси номзодлардан келиб тушган ҳужжатларни алоҳида жилдга жойлайди, ҳар бир жилд муқовасида ОТМ номи, талабгорнинг фамилияси, исми ва отасининг исми, факультети, курси, гуруҳини кўрсатади.

7. Стипендияга ҳужжат топширган номзодлар олий таълим муассасаси илмий (педагогик) кенгаши билан касаба уюшмаси кўмитасининг кўшма мажлисларида муҳокама этилади ва **йилнинг 10 ноябрига қадар** бирлашманинг стипендия тайинлаш комиссиясига номзодларнинг ҳужжатлари ва кўшма мажлис баёни тақдим этилади.

Худудда иккитадан ортиқ олий таълим муассасаси мавжуд бўлган бирлашмаларга ҳар бир олий таълим муассасасидан бир нафардан кўп бўлмаган номзод тақдим этилиши зарур.

8. Тақдим этилган ҳужжатлар ҳамда номзоднинг комиссия ҳузурида намойиш этган тақдироти бирлашманинг стипендия тайинлаш комиссияси томонидан **15 ноябрга қадар** кўриб чиқилади.

Стипендияга муносиб кўрилган 1 (бир) нафар номзод танлаб олинади ва бирлашма кенгашининг раёсат қарори билан тасдиқланади.

9. Стипендия қоида тарикасида ҳар йили декабрь ойида тайинланади. Стипендия ҳар бир талабага республикада белгиланган энг кам иш ҳақининг 5 (беш) баравари миқдорида белгиланади ва январь ойидан бошлаб олти ой муддатда ойма-ой тўланади.

10. Стипендиялар учун маблағлар бирлашмаларнинг касаба уюшмаси бюджети ҳисобидан ажратилади ва буни йиллик даромадлар ва харажатлар сметасида кўзда тулади.

11. Стипендия бир талабага фақат бир мартаба берилади ҳамда электрон базага киритилади, стипендия олган талабанинг рўйхатга қайта киритилмаслигига бирлашмалар раҳбарлари шахсан жавобгар, масъул ҳисобланади.

III. Стипендиантларни тақдирлаш

12. Комиссия ҳулосасига кўра стипендияга лойиқ деб топилган талабани тасдиқлаш ҳақидаги бирлашма кенгаши раёсатининг қарори Ўзбекистон касаба уюшмалари Федерацияси Кенгашига **25 ноябрга қадар** тақдим этилади.

13. Қорақалпоғистон, вилоятлар ва Тошкент шаҳар касаба уюшмалари ташкилотлари бирлашмалари кенгашлари раёсати тасдиқлаган ва тақдим этган рўйхатлар (стипендиантлар)ни Ўзбекистон касаба уюшмалари Федерацияси Кенгаши аппаратининг Ёшлар билан ишлаш бўлими умумлаштиради ва уларга махсус сертификатлар тайёрлайди.

14. Стипендиантларга “Касаба уюшмалари стипендианти” сертификати Конституция байрами арафасида тантанали тарзда топширилади.

IV. Яқуний қондалар

15. Касаба уюшмалари стипендиясини тайинлашга доир барча таклиф ва мулоҳазалар бирлашмалар кенгашларининг комиссиялари томонидан кўриб чиқилади.

16. Касаба уюшмалари стипендианти ойда бир марта касаба уюшмаси фаолиятини оммавий ахборот воситаларида ёритиши ёки унинг тадбирларида иштирок этиши (тасдиқловчи ҳужжатлар бирлашмага тақдим этилади) зарур, 2 ой давомида мазкур йўналишдаги ҳаракатсизликлар стипендия беришни тўхтатишга асос бўлади.

17. Талабаларнинг касаба уюшмалари стипендиясини тайинлаш бўйича ариза ва шикоятлари қонун ҳужжатларида белгиланган тартибда кўриб чиқилади.



O'zbekiston
kasaba
uyushmalari
Federatsiyasi

Низомга илова

ЎЗБЕКИСТОН КАСАБА УЮШМАЛАРИ ФЕДЕРАЦИЯСИНING СТИПЕНДИЯСИГА НОМЗОД АНКЕТАСИ

3,5x4,5 расм

(номзоднинг фамилияси, исми, шарифи)

Олий таълим муассасаси хақида маълумот:

Муассаса номи: _____

Факультет (йўналиш): _____

Курс / гуруҳ: _____

Номзодга қисқача тавсифнома:

Шахсий маълумотлар:

Туғилган куни, ойи, йили _____ Туғилган жойи _____

Паспорт серияси _____ рақами _____ берилган вақти _____ ким томонидан
берилган _____

Доимий яшаш манзили _____

Телефон рақами:

Мобил: (+998) 9 _____ (+998) 9 _____ (+998) 9 _____

Уй: (+998) _____

Тўлдирилган сана _____

Шахсий имзо _____

**Фаол касаба уюшма аъзолари бўлган ёшларни Федерация тасарруфидаги
санаторийларда соғломлаштириш тартиби тўғрисида
Низом**

I. Умумий қоидалар

1. Мазкур “Ўзбекистон касаба уюшмалари Федерацияси тизимидаги санаторийларда ёшларни соғломлаштириш тартиби тўғрисида”ги Низом (кейинги ўринларда “Низом” деб юритилади) Ўзбекистон касаба уюшмалари Федерациясининг Ёшларга оид сиёсати Концепциясининг устувор йўналишидан келиб чиққан ҳолда, ёш касаба уюшмалари аъзоларини, шунингдек ижтимоий химояга муҳтож олий таълим муассасалари талабларини (кейинги ўринларда “ёшлар” деб юритилади) қўллаб-қувватлаш ва рағбатлантириш, уларнинг соғликларини муҳофаза қилишга қўмаклашиш мақсадида ишлаб чиқилган.

2. Низом 20 ёшдан 35 ёшгача бўлган касаба уюшмалари аъзоларини Ўзбекистон касаба уюшмалари Федерацияси тизимидаги санаторийлар (кейинги ўринларда “санаторий” деб юритилади)да бепул соғломлаштириш учун йўлланма бериш ва ундан фойдаланиш тартибини белгилайди.

**II. Санаторийларда бепул соғломлаштириладиган
ёшлар рўйхатларини шакллантириш**

3. Касаба уюшмалари аъзоларининг ижтимоий-иқтисодий, ҳуқуқий манфаатларини химоя қилишда фаоллик кўрсатиб келаётган касаба уюшмаси фаоллари, ёш ходимлар ва болаликдан ногирон бўлган ёки етим ёхуд ижтимоий муҳофазага муҳтож талабалар санаторийларда бепул соғломлаштириш ишлари Қорақалпоғистон, вилоятлар ва Тошкент шаҳар касаба уюшмалари ташкилотлари бирлашмаларининг (кейинги ўринларда “бирлашмалар” деб юритилади) касаба уюшмаси ва ижтимоий суғурта бюджети маблағлари ҳисобидан амалга оширилади.

Бирлашмалар томонидан тақдим этиладиган, санаторийда бепул соғломлаштириладиган ёшларнинг сони бир йилда ҳар бир ҳудуддан бир нафардан, жами 14 нафар этиб белгиланади.

4. Санаторийларда бепул даволаниш учун ёшлар номзодлари Ўзбекистон касаба уюшмалари Федерацияси раиси томонидан ҳам тавсия этилиши мумкин (белгиланган 14 нафар номзоддан ташқари).

5. Йўлланмага номзодларни танлаш учун бирлашмаларда йўлланма ажратиш комиссияси тузилади.

6. Бепул соғломлаштириш учун йўлланма:

Олий таълим муассасаси, корхона ташкилот касаба уюшмаси қўмитасининг хулосасига кўра ижтимоий муҳофазага муҳтож оиланинг фарзанди ёки болаликдан ногирон ёхуд етим;

корхона, ташкилот ва муассаса касаба уюшмаси ҳаётидаги фаол ёшларга берилади.

7. Номзодлар ўзлари ишлаётган корхона, ташкилот ёки таҳсил олаётган олий таълим муассасаси касаба уюшмаси кўмитасига қуйидаги ҳужжатларни тақдим этади:

фукаролик паспортининг нусхаси;

3,5 x 4,5 см ҳажмдаги 2 донга рангли фотосурат;

ногиронлиги, етимлиги ёки иктисодий аҳволи ҳақида олий таълим муассасаси, корхона ташкилот касаба уюшмаси кўмитасининг хулосаси;

соғломлаштиришга муҳтожлиги тўғрисида тиббий хулоса;

ёшлар иттифоқининг корхона, ташкилот ва муассасадаги бошланғич ташкилоти етакчиси тавсияномаси.

8. Корхона, ташкилот ва муассаса касаба уюшмаси кўмитаси номзодлардан келиб тушган ҳужжатларни алоҳида жилдга жойлайди, ҳар бир жилд муқовасида корхона, ташкилот ёки ОТМ номи, номзоднинг фамилияси, исми ва отасининг исми, лавозими, факультети, курси, гуруҳини кўрсатади.

9. Йўлланмага ҳужжат топширган номзодларнинг иктисодий аҳволи, соғломлаштиришга муҳтожлиги корхона, ташкилот ва муассаса касаба уюшмаси кўмитасининг йиғилишида муҳокама этилади ва йилнинг **10 ноябрга қадар** бирлашманинг йўлланма ажратиш комиссиясига номзодларнинг ҳужжатлари ва йиғилиш баёни тақдим этилади.

10. Тақдим этилган ҳужжатлар бирлашманинг йўлланма ажратиш комиссияси томонидан **15 ноябрга қадар** кўриб чиқилади.

11. Бирлашмалар ҳар йили **25 ноябрга қадар** кейинги йилда санаторийларда бепул соғломлаштириш учун тавсия этиладиган ёшлар рўйхати ва тавсия хатини, соғломлаштиришнинг муддати (ойи)ни ҳамда санаторий номини кўрсатган ҳолда, Ўзбекистон касаба уюшмалари Федерациясига тақдим этадилар.

Санаторийда бепул соғломлаштириш учун йўлланмалар биринчи навбатда шифокорларнинг хулосасига кўра соғломлаштиришга муҳтож, етим, чин етим, иктисодий ночор оилаларнинг фарзандлари бўлган ёшларга берилади.

Ушбу низомга асосан бепул йўлланма бир шахсга фақат бир мартаба берилади, йўлланма олган шахснинг рўйхатга қайта киритилмаслигига бирлашмалар раҳбарлари шахсан жавобгар, масъул ҳисобланади.

12. Санаторийларда бепул соғломлаштириш учун тавсия этилган номзодларнинг умумий рўйхати Федерация Кенгаши аппаратининг Молия ва Ижтимоий суғурта бўлимлари билан келишган ҳолда, ҳар йили декабрь ойининг 15 санасигача, кейинги йил учун ойлар кесимида, Федерация Кенгаши аппаратининг Ёшлар билан ишлаш бўлими томонидан шакллантирилади ҳамда Ўзбекистон касаба уюшмалари Федерацияси раиси томонидан тасдиқланади.

13. Тасдиқланган рўйхат бирлашмаларга ҳар йилнинг 31 декабригача етказилади, улар эса ўз навбатида рўйхатга киритилган ёшларни соғломлаштириш муддати ҳақида хабардор қиладилар.

III. Санаторийларда соғломлаштириш учун бепул йўлланма бериш ва ундан фойдаланиш тартиби

14. Бепул йўлланмалар ҳар йили тасдиқланган руйхатга асосан бирлашмалар томонидан берилади.

Бирлашма раисининг ёшлар масалалари бўйича маслаҳатчиси санаторийларга берилган йўлланмаларни алоҳида “Йўлланмаларни руйхатга олиш китоби”да акс эттиради. Мазкур китобнинг варақлари рақамланиб, тикилади ва бирлашма раиси томонидан имзоланиб муҳрланади.

Йўлланма фақат берилган шахс учунгина ҳақиқий ҳисобланади.

15. Ёшлар санаторийларда бепул соғломлаштириш учун тасдиқланган руйхатда кўрсатилган муддатларга қатъий риоя этган ҳолда қабул қилинадилар.

Йўлланма олган шахс объектив сабабларга кўра, белгиланган муддатда санаторийга соғломлаштириш учун келишининг имкони бўлмаган ҳолларда, бу ҳақда бирлашмани соғломлаштириш муддати бошланишидан камида 10 кун аввал хабардор қилади.

Бундай ҳолда санаторий билан келишиб даволаниш муддати шу йилнинг бошқа муддатига ўтказилиши мумкин.

Йўлланма муддати бир йилда бир маротаба ўзгартирилиши мумкин.

IV. Санаторийларда ёшларни соғломлаштириш ишлари учун маблағ ажратиш ва ҳисоботларни тақдим этиш

16. Санаторийларда ёшларни соғломлаштиришга маблағлар:

- касаба уюшмалари аъзолари (ишловчи ёшлар) учун бирлашмаларнинг ижтимоий сугурта бюджети ҳисобидан;

- Олий таълим муассасаси талабаларига бирлашмаларнинг касаба уюшмаси бюджети ҳисобидан ажратилади.

V. Яқуний қоидалар

17. Бепул соғломлаштириш учун қабул қилинган ёшлар санаторийда ўрнатилган ички тартиб-қоидаларга қатъий риоя этишлари шарт.